

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-1668/24
Sarajevo, 29.7.2024. godine

Z A P I S N I K
11. SJEDNICE DOMA NARODA PARLAMENTA FEDERACIJE BOSNE I
HERCEGOVINE, održane 29.7.2024. godine

Sjednica je počela sa radom u 12 sati i 39 minuta.

Sjednici je predsjedavao Tomislav Martinović, predsjedavajući Doma naroda Parlamenta Federacije BiH.

Predsjedavajući je pozdravio delegate, ministre u Vladi Federacije BiH i goste koji prate rad sjednice.

Izostanak sa sjednice najavili su: Ivan Odak, Goran Broćeta, Ivan Ivić, Ilija Ilić, Jelena Pekić, Sanela Klarić, Dragan Damjanović i Duško Radun.

Prema evidenciji Stručne službe, sjednici prisustvuju 54 delegata, što čini većinu, pa Dom naroda može raditi i punovažno odlučivati.

Predsjedavajući je predložio da se prije prelaska na rad sjednice glasa o usvajanju Zapisnika 8. sjednice Doma naroda Parlamenta Federacije BiH.

Na osnovu rezultata glasanja, predsjedavajući je konstatovao da je Dom naroda, sa 53 glasa za, bez uzdržanih glasova i bez glasova protiv, usvojio Zapisnik 8. sjednice Doma naroda Parlamenta Federacije BiH, održane 16.5. i 6.6.2024. godine.

Prije utvrđivanja dnevnog reda predsjedavajući je saopštio delegatima da, na osnovu člana 104. Poslovnika o radu Doma naroda, ako žele, mogu postavljati delegatska pitanja i pokretati inicijative.

Emir Dautović je postavio dva pitanja i podnio jednu inicijativu.

Prvo pitanje postavio je ministru vanjskih poslova vezano uz dolazak kadeta i policije Republike Srbije na teritorij Bosne i Hercegovine i pita ko je za to nadležan. Također pita i šta je poduzeto za građane Krajine koji žive i rade širom Evrope, a kojima je otežan prijelaz preko granice zatvaranjem graničnog prijelaza Hadžijin potok.

Drugo pitanje postavio je direktoru Javnog preduzeća BH Pošta u vezi sa nedostatkom poštara na području grada Cazina.

Inicijativu je uputio prema Federalnom ministarstvu za pitanja boraca i invalida odbrambeno-oslobodilačkog rata za izmjenu člana 8. Zakona o prijevremenom povoljnijem penzionisanju branilaca odbrambenog-oslobodilačkog rata.

Iva Raguž uputila je inicijativu prema Federalnom ministarstvu rada i socijalne politike za izmjene i dopune Zakona o roditeljima njegovateljima u Federaciji BiH.

Marina Mujkanović je postavila pitanje Federalnom zavodu za penzijsko i invalidsko osiguranje u vezi sa nepoštivanjem zakonskog roka za rješavanje zahtjeva za penziju.

Amir Orlović uputio je pet inicijativa.

Prvu inicijativu uputio je prema Federalnom ministarstvu za pitanja boraca i invalida odbrambeno-oslobodilačkog rata, vezano uz izmjenu člana 4. Zakona o prijevremenom povoljnijem penzionisanju.

Drugu inicijativu uputio je prema Federalnom ministarstvu za pitanja boraca i invalida odbrambeno-oslobodilačkog rata, vezano uz izmjenu člana 7. Zakona o prijevremenom povoljnijem penzionisanju.

Treću inicijativu uputio je prema Federalnom ministarstvu za pitanja boraca i invalida odbrambeno-oslobodilačkog rata, vezano uz izmjenu člana 8. Zakona o prijevremenom povoljnijem penzionisanju.

Četvrtu inicijativu uputio je prema Federalnom ministarstvu za pitanja boraca i invalida odbrambeno-oslobodilačkog rata vezano uz izmjenu člana 6. Zakona o prijevremenom povoljnijem penzionisanju.

Petu inicijativu je uputio prema Federalnom ministarstvu pravde, Federalnom ministarstvu rada i socijalne politike, Federalnom ministarstvu za pitanja boraca i invalida odbrambeno-oslobodilačkog rata i Federalnom ministarstvu finansija, vezano uz Zakon o pravima logoraša.

Aida Obuća je postavila pitanje Vladi Federacije BiH i Javnom preduzeću Autoceste Federacije BiH u vezi sa izgradnjom brze ceste Sarajevo – Goražde.

Miomirka Melank je uputila inicijativu ka Federalnom ministarstvu zdravstva u vezi sa izmjenom čl. 7. i 17. Federalnog pravilnika o formiranju listi lijekova na način da se cijene lijekova na pozitivnim listama kantona utvrde transparentnije i da se kantonima omogući da učestvuju u određivanju cijena lijekova jer trenutno samo Federalno ministarstvo zdravstva određuje cijene na osnovu maksimalnih veleprodajnih cijena.

Ivica Pavković uputio je inicijativu prema Vladi Federacije BiH za pružanje finansijske pomoći rudnicima boksita u Posušju i Širokom Brijegu, s posebnim naglaskom na rudnike u Širokom Brijegu koji su u velikim finansijskim problemima i prijeti im likvidacija.

Belma Kapo je podsjetila da je zajedno sa delegatkinjom Fatimom Gavrankapetanović prije dva mjeseca podnijela inicijativu prema rukovodstvu Doma naroda za razmatranje teme zdravstva na jednoj od redovnih sjednica Doma naroda. Cilj je da se na sjednici raspravi trenutna situacija u zdravstvu, posebno u vezi sa nedostatkom odgovora i prisutnošću ministra zdravstva.

Kolegij Doma naroda je dostavio Prijedlog Odluke o izmjenama i dopunama Poslovnika o radu Doma naroda Parlamenta Federacije BiH sa prijedlogom da se razmatra po hitnom postupku.

Na osnovu rezultata glasanja, predsjedavajući je konstatovao da je Dom naroda, sa 45 glasova za, uz osam uzdržanih glasova i uz pet glasova protiv, prihvatio da se Prijedlog Odluke o izmjenama i dopunama Poslovnika o radu Doma naroda Parlamenta Federacije BiH razmatra po hitnom postupku.

Predsjedavajući je obavijestio delegate da je Vlada Federacije BiH dostavila tri zakona sa prijedlogom da se razmatraju po skraćenom postupku.

Vlada Federacije BiH dostavila je sljedeće prijedloge zakona da se razmatraju po skraćenom postupku:

- Prijedlog Zakona o izmjeni Zakona o pravima demobiliziranih branilaca i članova njihovih porodica,
- Prijedlog Zakona o izmjeni Zakona o posebnim pravima dobitnika ratnih priznanja i odlikovanja i članova njihovih porodica,
- Prijedlog Zakona o izmjenama Zakona o pravima branilaca i članova njihovih porodica.

Na osnovu rezultata glasanja, predsjedavajući je konstatovao da je Dom naroda, sa 56 glasova za, uz jedan uzdržani glas i bez glasova protiv, prihvatio da se Prijedlog Zakona o izmjeni Zakona o pravima demobiliziranih branilaca i članova njihovih porodica razmatra po skraćenom postupku.

Na osnovu rezultata glasanja, predsjedavajući je konstatovao da je Dom naroda, sa 58 glasova za, bez uzdržanih glasova i bez glasova protiv, prihvatio da se Prijedlog Zakona o izmjeni Zakona o posebnim pravima dobitnika ratnih priznanja i odlikovanja i članova njihovih porodica razmatra po skraćenom postupku.

Na osnovu rezultata glasanja, predsjedavajući je konstatovao da je Dom naroda, sa 58 glasova za, bez uzdržanih glasova i bez glasova protiv, prihvatio da se Prijedlog Zakona o izmjenama Zakona o pravima branilaca i članova njihovih porodica razmatra po skraćenom postupku.

Prešlo se na utvrđivanje dnevnog reda.

Na osnovu rezultata glasanja, predsjedavajući je konstatovao da je Dom naroda, sa 54 glasa za, bez uzdržanih glasova i bez glasova protiv, usvojio sljedeći:

DNEVNI RED

1. Odluka Ustavnog suda Bosne i Hercegovine U-5/24 od 30.5.2024. godine;

2. Prijedlog Odluke o izmjenama i dopunama Poslovnika o radu Doma naroda Parlamenta Federacije BiH – hitni postupak (predlagač: Kolegij Doma naroda Parlamenta Federacije BiH);
3. Prijedlog Zakona o izmjeni Zakona o pravima demobiliziranih branilaca i članova njihovih porodica – skraćeni postupak;
4. Prijedlog Zakona o izmjeni Zakona o posebnim pravima dobitnika ratnih priznanja i odlikovanja i članova njihovih porodica - skraćeni postupak;
5. Prijedlog Zakona o izmjenama Zakona o pravima branilaca i članova njihovih porodica - skraćeni postupak;
6. Prijedlog Zakona o izmjenama i dopunama Zakona o prostornom planiranju i korištenju zemljišta na nivou Federacije BiH;
7. Prijedlog Zakona o zaštiti zraka;
8. Strategija razvoja sistema socijalne i dječije zaštite u Federaciji BiH (2024. – 2030. godina);
9. Prijedlog Odluke o prihvatanju zaduženja po Ugovoru o finansiranju između Bosne i Hercegovine i Evropske investicijske banke za realizaciju Projekta Vjetroelektrana Vlašić;
10. Prijedlog Odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj za realizaciju Projekta Koridor Vc Mostar Sjever – Mostar Jug;
11. Kvartalni izvještaj o dugu Q3/2023;
12. Godišnji plan zaduživanja za 2024. godinu;
13. Izbori i imenovanja.

1. Odluka Ustavnog suda Bosne i Hercegovine U-5/24 od 30.5.2024. godine

Ustavni sud Bosne i Hercegovine je Parlamentu Federacije BiH dostavio Odluku U-5/24.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 55 glasova za, uz jedan uzdržani glas i bez glasova protiv, usvojio Odluku Ustavnog suda BiH U-5/24 od 30.5.2024. godine.

2. Prijedlog Odluke o izmjenama i dopunama Poslovnika o radu Doma naroda Parlamenta Federacije BiH – hitni postupak (predlagač: Kolegij Doma naroda Parlamenta Federacije BiH)

Prijedlog Odluke razmatrala su nadležna radna tijela.

Na Prijedlog Odluke o izmjenama i dopunama Poslovnika o radu Doma naroda Parlamenta Federacije BiH amandman je podnio delegat Emir Dautović, te u nastavku sjednice odustao od njega.

Prijedlog Odluke obrazložio je Izmir Hadžić, sekretar Doma naroda.

U raspravi su učestvovali: Emir Dautović, Muamer Zukić, Vibor Handžić, Vildana Bešlija, Haris Zahiragić, Nezim Alagić i Belma Kapo.

Na osnovu rezultata glasanja, predsjedavajući je konstatovao da Dom naroda Parlamenta Federacije BiH, sa 40 glasova za, uz 15 uzdržanih glasova i uz osam glasova protiv, nije prihvatio Odluku o izmjenama i dopunama Poslovnika o radu Doma naroda Parlamenta Federacije BiH.

Vesna Saradžić, predsjednica Kluba delegata srpskog naroda, zatražila je pojedinačno izjašnjavanje u vezi sa ovom tačkom dnevnog reda.

Sekretar Doma naroda Izmir Hadžić je, u skladu sa odredbom 113. Poslovnika o radu Doma naroda, obavio pojedinačno izjašnjavanje delegata.

Na osnovu rezultata pojedinačnog izjašnjavanja, predsjedavajući je konstatovao da je Dom naroda, sa 41 glasom za, uz 10 uzdržanih glasova i 11 glasova protiv, donio Odluku o izmjenama i dopunama Poslovnika o radu Doma naroda Parlamenta Federacije BiH.

Na osnovu rezultata glasanja, predsjedavajući je konstatovao da je Dom naroda, sa 49 glasova za, uz osam uzdržanih glasova i uz jedan glas protiv, prihvatio sljedeći:

ZAKLJUČAK

1. Zadužuje se Kolegij Doma naroda Parlamenta Federacije BiH da uzme u razmatranje sve pristigle inicijative, te da u narednom periodu predloži izmjene i dopune Poslovnika o radu Doma naroda Parlamenta Federacije BiH.
2. Zaključak stupa na snagu danom donošenja.

3. Prijedlog Zakona o izmjeni Zakona o pravima demobiliziranih branilaca i članova njihovih porodica – skraćeni postupak

Tekst Prijedloga Zakona utvrdila je Vlada Federacije BiH.

Predstavnički dom obavijestio je Dom naroda da je na 13. sjednici, održanoj 24.7.2024. godine, usvojio Prijedlog Zakona o izmjeni Zakona o pravima demobiliziranih branilaca i članova njihovih porodica.

Prijedlog Zakona razmatrala su nadležna radna tijela.

Prijedlog Zakona obrazložio je Nedžad Lokmić, ministar Federalnog ministarstva za pitanja boraca i invalida odbrambeno-oslobodilačkog rata.

U raspravi su učestvovali Ivo Tadić i Ilija Nakić.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 59 glasova za, bez uzdržanih glasova i bez glasova protiv, usvojio Prijedlog Zakona o izmjeni Zakona o pravima demobiliziranih branilaca i članova njihovih porodica.

4. Prijedlog Zakona o izmjeni Zakona o posebnim pravima dobitnika ratnih priznanja i odlikovanja i članova njihovih porodica – skraćeni postupak

Tekst Prijedloga Zakona utvrdila je Vlada Federacije BiH.

Predstavnički dom obavijestio je Dom naroda da je na 13. sjednici, održanoj 24.7.2024. godine, usvojio Prijedlog Zakona o izmjeni Zakona o posebnim pravima dobitnika ratnih priznanja i odlikovanja i članova njihovih porodica.

Prijedlog Zakona razmatrala su nadležna radna tijela.

Prijedlog Zakona obrazložio je Nedžad Lokmić, ministar Federalnog ministarstva za pitanja boraca i invalida odbrambeno-oslobodilačkog rata.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 56 glasova za, bez uzdržanih glasova i bez glasova protiv, usvojio Prijedlog Zakona o izmjeni Zakona o posebnim pravima dobitnika ratnih priznanja i odlikovanja i članova njihovih porodica.

5. Prijedlog Zakona o izmjenama Zakona o pravima branilaca i članova njihovih porodica - skraćeni postupak

Tekst Prijedloga Zakona utvrdila je Vlada Federacije BiH.

Predstavnički dom obavijestio je Dom naroda da je na 13. sjednici, održanoj 24.7.2024. godine, usvojio Prijedlog Zakona o izmjenama Zakona o pravima branilaca i članova njihovih porodica.

Delegatkinja Amra Babić podnijela je amandman na ovaj prijedlog Zakona.

Amandman je dostavljen Vladi Federacije BiH na mišljenje, ali ga ona nije prihvatila.

Prijedlog Zakona razmatrala su nadležna radna tijela.

Prijedlog Zakona obrazložio je Nedžad Lokmić, ministar Federalnog ministarstva za pitanja boraca i invalida odbrambeno-oslobodilačkog rata.

U raspravi su učestvovali Amra Babić i Emir Dautović.

Predsjedavajući je dao na glasanje amandman na Prijedlog Zakona o izmjenama Zakona o pravima branilaca i članova njihovih porodica delegatkinje Amre Babić.

Na osnovu rezultata glasanja, predsjedavajući je konstatovao da predloženi amandman nije dobio potrebnu većinu.

Muamer Zukić, predsjednik Kluba delegata bošnjačkog naroda, zatražio je pojedinačno izjašnjavanje vezano uz ovu tačku dnevnog reda.

Sekretar Doma naroda Izmir Hadžić je, u skladu sa odredbom 113. Poslovnika o radu Doma naroda, obavio pojedinačno izjašnjavanje delegata.

Na osnovu rezultata glasanja, predsjedavajući je konstatovao da predloženi amandman nije dobio potrebnu većinu (35 glasova za, 29 uzdržanih glasova i bez glasova protiv).

Potom se prešlo na glasanje o Prijedlogu Zakona o izmjenama Zakona o pravima branilaca i članova njihovih porodica.

Predsjedavajući je konstatovao da je Dom naroda Parlamenta Federacije BiH, sa 61 glasom za, bez uzdržanih glasova i bez glasova protiv, usvojio Prijedlog Zakona o izmjenama Zakona o pravima branilaca i članova njihovih porodica.

Vlada Federacije BiH je dopisom broj: 03-2/469-1/2019 od 29.7.2024. godine iz procedure povukla:

1. Prijedlog Zakona o izmjenama i dopunama Zakona o prostornom planiranju i korištenju zemljišta na nivou Federacije BiH,
2. Prijedlog Zakona o zaštiti zraka,
3. Strategiju razvoja socijalne i dječije zaštite u Federaciji BiH,
4. Prijedlog Odluke o prihvatanju zaduženja po Ugovoru o finansiranju između Bosne i Hercegovine i Evropske investicijske banke za realizaciju Projekta Vjetrolektrana Vlačić,
5. Prijedlog Odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj za realizaciju Projekta Koridor Vc Mostar Sjever - Mostar Jug.

Potom se prešlo na rad po 11. tački dnevnog reda.

11. Kvartalni izvještaj o dugu Q3/2023

Vlada Federacije BiH dostavila je kvartalni izvještaj o dugu Q3/2023.

Predstavnički dom je obavijestio Dom naroda da je na 13. sjednici, održanoj 24.7.2024. godine, primio na znanje kvartalni izvještaj o dugu Q3/2023.

Izvještaj su razmatrala i nadležna radna tijela Doma.

Predsjedavajući je konstatovao da je Dom naroda Parlamenta Federacije BiH primio na znanje kvartalni izvještaj o dugu Q3/2023.

12. Godišnji plan zaduživanja za 2024. godinu

Vlada Federacije BiH dostavila je Parlamentu Federacije BiH Godišnji plan zaduživanja za 2024. godinu radi informiranja.

Predstavnički dom je obavijestio Dom naroda da je na 13. sjednici, održanoj 24.7.2024. godine, primio na znanje Godišnji plan zaduživanja za 2024. godinu.

Godišnji plan zaduživanja za 2024. godinu razmatrala su i nadležna radna tijela Doma.

Predsjedavajući je konstatovao da je Dom naroda Parlamenta Federacije BiH primio na znanje Godišnji plan zaduživanja za 2024. godinu.

13. Izbori i imenovanja

Predsjedavajući je konstatovao da Dom naroda Parlamenta Federacije BiH nema predloženih imenovanja.

Sjednica je završila rad u 14 sati i 45 minuta.

Transkript sjednice čini sastavni dio Zapisnika.

SEKRETAR

Izmir Hadživdić

PREDSJEDAVAJUĆI

Tomislav Martinović